

Looschesung *(Autor: Nis Albrecht Johannsen d. J.)*

Ik wal önj e wulkne fliinj, fliinj, fliinj
Än e wråål foon boowne siinj, siinj, siinj.
Än ik räär min latje winge,
Lätj me foon min häi nint tinge.
Åch, wat as dåt nat tu siien, siien, siien:
Åål da böre bai dåt uursebüüen, büüen, büüen.
Wan ja uuge, wal ik schunge,
Wal ma niimen ouers prunge.
Än sü chung ik dan ma fliitj, fliitj, fliitj,
Än wan ik iinjsen ai mör wiitj, wiitj, wiitj,
Gungt et ma gniideln
Än diideln än fiideln
Dil aw e hii –
linj, tou
Trii!

(In: Johannsen, Nis Albrecht. 1956. *Beerid*. Naibel: Andresen. S. 61.) [Auch in: *Frasch Leseböck*, S. 63]